



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

Complectens ea quæ ad Sacramenta & mores pertinent

**Abelly, Louis**

**Coloniæ Agrippinæ, 1659**

§. 3. Ob quam causam censuræ infligantur.

**urn:nbn:de:hbz:466:1-38979**

peccati poena; peccatum vero presupponit peccatorem esse rationis & doli capacem; unde inferit Suar. qu. i. de cen. p. 4. & post illum Bonac. etiam impuberes, si doli capaces sint, posse censuris plecti; quamvis id fieri non soleat, nisi postquam pubertatis annos attigerint.

Dicitur 3. (in statu via existentes) Non enim (ut recte obseruat Gratianus causa 24. q. 2.) Dominus dixit: quocunq; ligaveritis sub terra; sed super terram: ostendens scilicet, quod viventes pro varietate meritorum suorum solvere possumus vel ligare; de mortuis autem sententiam ferre non possumus; sed (ut ait S Leo Ep 90. ad Rusticum.) horum causa Dei, iudicio reservanda est. Potest quidem Ecclesia, vel Prælatus declarare mortuum aliquem, dum viveret, censuras incurrisse easque aduersus eum executioni mandare, v.g. privare illum Ecclesiastica sepultura, vetare, ne pro illo suffragia, aut sacrificia offerantur; & è contraria, si aliquis excommunicatus moriens contritionis & pœnitentia signa exhibuit, à poena illius excommunicationis illum eximere, non quidem absolvendo, sed permittendo aliis, ut eum in loco sacro sepeliant, ac pro illo suffragia & sacrificia offerant.

Dicitur denique (subditas ejus à quo censuræ feruntur) sicut enim nullus potest legibus suis, aut decretis illum obligare qui non est sibi subditus; sic nec illum ad id pœnis cogere, vel renuentem censuris punire.

### §. III.

#### *Ob quam causam censura infligantur.*

**D**ICENDVM est, censuras infligi ob peccatum mortale exterius, opere completum cum contumacia.

Dicitur 1. (ob peccatum) quia poena, ut justè infligatur, supponit culpam, cùm innocens justè punire non possit: unde (ut ex communī Theologorum consensu docet Bonac. sup. pu. 3.) ubi non est peccatum, ibi nullus est censuræ locus.

Dicit-

Dicitur 2. (mortale) quod intelligi debet de censuris gravioribus, puta excommunicatione maiori, suspensione ab ordine, interdicto generali, &c. eiusmodi enim poenitentia cum sint gravissimae, non nisi ob culpam gravem iuste infligi possunt, ut docent Nav. Suar. & plures alii apud Bonac. sup. p. 3. & habetur ex cap. Nento Episcoporum. & cap. Nullus Sacerdotum II. qu. 3. & ex Conc. Trid. sess. 25 c. 3. de reform. Vnde sequitur (ut recte observat Laym. c. 5. de censuris in communione) nullam incurri censuram gravorem, quandocumque ob ignorantiam aliquam, aut inadvertitatem, seu imperfectionem actus peccatum commisum non censetur esse mortale.

Quod autem spectat ad censuras minus graves, ut ex communicationem minorem, suspensionem levem, per leviорibus interdum, & venialibus peccatis infligi possunt, ut ex Suar. Tol. & aliis docet idem Bonac. sup.

Dicitur 3. (exterius:) quia ob peccatum mere internum censura infligi non potest, cum Ecclesia de rebus oculis & mere internis non iudicet, ut docent Sot. Sylv. Suar. & plures alii apud Bonac. supra & habetur ex cap. Erubescit & cap. scut tuis, de simonia.

Dicitur 4. (opere completum:) ad incursum enim censuram requiritur effectus completus, quem legislator intendit censura punire, v.g. si quis ex voluntate occidendi Sacerdotem sagittam in eum proiciat, sed illum non attingat, tunc enim, quamvis graviter peccaverit, non incidit tamen in excommunicationem latam contra percussores Clericorum.

Dicitur 5. (cum contumacia:) cum enim censura sit pars medicinalis, ut dicitur cap. 1. de sententiis excom. non infligitur per modum ultionis & vindictæ; sed exhibetur per modum medicinae ad hominem a peccato avertendum; & ex consequenti præsupponit semper admonitionem aliquam præcedentem, qua sine contumacia respici non potest. Et de excommunicatione quidem consentiunt omnes, ut videre est apud Bonac. sup. de reliquis vero censuris idem etiam docet Suar. Agid. & alii apud eundem Laym. c. 5. de censuris & constat ex cit. c. 1. de sententiis excom.

§. IV.